

四庫全書

史部

欽定四庫全書

史部

明集禮卷二十九

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣李荃

謄錄監生_臣曹希焜

欽定四庫全書

明集禮卷二十九

嘉禮十三

鄉飲酒禮

總敘

鄉飲酒之禮夏殷之世無所考周制五禮之目是為嘉禮之一凡禮之所紀冠婚喪祭皆自士以上乃得行之而鄉飲酒之禮達于庶民因其聚會之際與之揖讓升

降使知尚賢尊長而興敬讓之道焉考之經傳其說有三鄉大夫三年大比獻賢者能者于其君以賓禮禮之而與之飲酒一也黨正國索鬼神而祭祀則以禮屬民飲酒而正齒位二也州長春秋習射于序先行鄉飲酒禮三也夫用之州黨而亦謂之鄉者先儒以為州黨鄉之屬也或鄉大夫入而觀禮或鄉大夫居此黨內故亦以名之也其正齒位之說見于周官者一命齒于鄉里再命齒于父族三命而不齒見於禮記者六十者坐五

十者立待六十者三豆七十者四豆八十者五豆九十者六豆而儀禮鄉飲酒之篇不著其文故先儒以為今之存者乃鄉大夫之事而黨正之禮亡矣漢制郡國十月行鄉飲酒禮蓋用正齒位之說魏晉以下間或行之其詳不可得而聞李唐兼采二說賓與賢能則以刺史或上佐為主其制皆倣于古而小損之有主賓介而無僎其樂則歌笙間合各一作而不備正齒位則行于冬季主用縣令復降殺其禮無謀賓戒賓不設折俎易脯醢為菹

醢其作樂如上趙宋淳化三年詔有司講其禮命學士
蘇易簡倣古樂章作鹿鳴南陔嘉魚崇丘關雎鵲巢之
詩凡三十四章後不果行政和中有司奏參酌古制於
州軍貢士之月以禮飲酒用知州軍事或本州佐官為
主提舉學事司所在則提舉為主上舍生當貢者與州
之羣老為衆賓其登降之節與舉酒作樂器用之類並
參照辟雍宴貢士之儀紹興十三年禮部奏脩定儀制
頒下郡國於科舉之歲行于學校是日賓主先舍菜于

先聖先師然後行禮並不作樂蓋本用賓賢之說而已
仕未仕者以齒序位于兩廊則亦兼取黨正之文至其
登降之容獻酬之節較之於唐尤簡略焉十七年左迪
功郎陳介言乞定郡國所行鄉飲歲數乃命諸州三歲
科舉之年行之其願每歲一行者亦從其便二十六年
又命願行于里社者聽官不得預其可考者如此國朝
受命戡定海內即詔有司稽古考文定為一代之制於
是取儀禮及唐宋所行參酌損益為鄉飲酒禮又采周

官屬民讀法之旨於行禮之中一人升讀律令縣邑則歲一行之學校里社則季一行之里中蓋本于正齒位之說而賓興賢能春秋習射亦可通用焉

賓主介饌

儀禮主就先生而謀賓介注曰主謂諸侯之鄉大夫也先生鄉中之致仕者介處士之賢者諸公大夫入而觀

禮者為饌

諸公者大國有孤四命謂之公

唐禮鄉飲酒之禮刺史為主先召鄉之致仕而有德者

謀之賢者為賓其次為介又其次為衆賓與之行禮而
賓與之正齒位每年季冬行事縣令為主鄉之老人六
十以上有德行者一人為賓次一人為介又其次為三
賓又其次為衆賓

宋禮主州以郡守縣以縣令賓擇鄉里寄居年德高及
致仕者為之儀州以通判縣以丞或簿為之介以次長
為之三賓以賓之次者為之司正以衆所推服者為之
相及贊以士之熟于禮者為之

今擬見儀注

戒賓介

儀禮主戒賓賓拜辱主荅拜乃請賓賓禮辭許主再拜
賓荅拜主退賓拜辱戒介亦如之

唐禮同儀禮

宋禮省

今擬省

設席位次

儀禮乃席賓主介衆賓之席皆不屬焉注曰賓席牖前
南面主席阼階上西面介席西階上東面席衆賓于賓

席之西不屬者不相續也皆獨坐明其德各特也又曰立者東面北上若有北面者則東上主之贊者西面北上唐禮其日質明設賓席於楹間近北南向設主席于阼階上西向設介席于西階上東向設衆賓席三於賓席之西各南向皆不屬又設堂下衆賓席于西階西南肆北上設贊者位于東階東西向北上正齒位同

宋禮主位于東南賓位于西北僎位于東北介位于西南三賓位于賓主介僎之後設郡寮之位東西相向其

餘仕與未仕者皆以齒序位于兩廊又設席于堂下凡鄉之仕與未仕者以齒序位又設主賓介僎三賓之次于庠序之鄉

今擬見後儀注

陳器

儀禮尊兩壺于房戶間斯禁有玄酒在西設篚于禁南

東肆加二勺于兩壺

禁承尊之器也名禁者因為酒戒也斯禁禁切地無足者玄酒新水

也篚承爵解之篚也

設洗于阼階東南南北以堂深

謂如堂深二丈則洗去堂

下亦
二丈

東西當東榮

榮屋
翼也

水在洗西南肆

唐禮設兩壺于賓席之東少北玄酒在西加勺罍置籩于壺南東肆實以爵解正齒位同

宋禮先一日設尊壘爵洗各如奠謁先聖之儀
今擬見後儀注

舍菜

儀禮唐無之

宋禮其日質明主率賓介以下先舍菜于先聖先師

今擬賓興賢能飲酒則先一日行舍菜禮正齒位不用

立班

儀禮無文

唐禮賓介及衆賓至立于廳事大門之外東面北上執事者皆就位

宋禮賓主以下各就次候鳴鼓相者引賓介以下序立于庠門之外北面東上

今擬參酌別定立班之儀

迎賓

儀禮主一相迎于門外再拜賓賓荅拜拜介介荅拜揖衆賓主人揖先入賓厭介入門左介厭衆賓皆入門左北

上

厭一涉切推手曰揖引手曰厭

唐禮主迎賓于門外之左西面拜賓賓荅拜又西南面拜介介荅拜又西南面揖衆賓衆賓報揖主又揖賓賓報揖主乃先入門而右西面賓入門而左東面介及衆賓序入立于賓西南衆賓非三賓者皆北面東上

凡賓主揖

拜周旋皆有贊相

正齒位云衆賓立于三賓之後餘同

宋禮相者引主出

俱從

至于庠門外速賓及介主立于

門左西向賓介進立于門右東向贊者進立于中唱曰

主拜賓介以下皆答拜主揖賓介以下皆報揖主先入

門右

俱從

賓揖介亦入門左介揖衆賓皆入門左贊先

之相次之

今擬見儀注

序賓

儀禮主與賓三揖

將曲揖當階揖當碑揖

至于階三讓主升賓升

主阼階上當楣北面再拜賓西階上當楣北面答拜

唐禮主將進揖當階揖賓皆報揖至階主曰請吾子升

賓曰某敢辭主曰固請吾子升賓曰某敢固辭主曰終

請吾子升賓曰某敢終辭主升自阼階賓升自西階當

楣北面立

宋禮主與賓三揖皆贊者唱之至堂下升階三讓主先

升阼階

俱從

立楣下賓趨升西階

介從

三賓亦升自西

階並立楫下各南向司正亦升西階立于西階之上東

向

教授升自東廡立于東階西向郡僚分立兩廡

衆賓東西相向立于堂下贊

者唱曰賓主以下皆再拜

今擬見儀注

獻賓

儀禮主坐取爵于篚降盥洗

己盥洗爵

升賓爵賓之席前

西面獻賓賓西階上拜主少退賓受爵以復位主阼階

上拜送爵賓少退薦脯醢賓升席自西方乃設折俎主

於阼階上立賓坐左執爵祭脯醢奠爵于薦西興右手
取肺卻左手執本坐弗繚右絕末以祭尚左手齊之興
加于俎坐捫手遂祭酒興席末坐啐酒降席坐奠爵拜
告旨執爵興主阼階上荅拜賓西階上北面坐卒爵興
唐禮無盥洗餘同

宋禮主詣盥洗所洗解至酒尊所酌酒賓解授執事者
至賓席前西北向立執事者分立

直解者立主人之左
直脯醢者立主之右

次引賓自西階趨就席主跪左執解飲賓賓拜跪受爵

飲醕主答拜執事者薦脯醢賓受訖主退就席立僕亦就席立

今擬見後儀注

賓酢主

儀禮賓降洗賓爵酢主皆如主獻賓之儀主卒爵坐奠

爵于序端

序端東序之端也
東西牆謂之序

唐禮同

宋禮無

今擬見儀注

主酬賓

儀禮主賓解阼階上北面坐祭遂飲卒解興降洗實解
賓之席前北面賓西階上拜主少退卒拜進坐奠解于
薦西賓坐取解北面坐奠解于薦東酬酒不舉主揖降賓降

立于階西主人將與介為禮
賓謙不敢居堂上

唐禮同

宋禮無

今擬省

主獻介

儀禮主以介揖讓升拜如賓禮主乃坐取爵于東序端
降洗實爵介之席前西南面獻介介西階上北面拜主
少退介進北面受爵復位主介右北面拜送爵介少退
主立于西階東薦脯醢介升席自北方設折俎祭如賓
禮不齊肺不啐酒不告旨自南方降席坐卒爵興
唐禮不降洗餘同正齒位無折俎餘同

宋禮無之

今擬見後儀注

獻三賓

儀禮主西南面三拜衆賓衆賓皆答一拜主揖升坐取爵于西楹下降洗升實爵于西階上獻衆賓衆賓之長升拜受者三人主拜送坐祭立飲以爵授主降復位每一人獻則薦諸其席

唐禮同

宋禮無之

今擬見儀注

獻衆賓

儀禮衆賓獻則不拜受爵坐祭立飲衆賓徧有脯醢主以爵降奠于筐

唐禮主實爵進于西階上南面獻堂下衆賓餘同

宋禮無之

今擬見儀注

升位

儀禮揖讓升賓賓厭介升介厭衆賓升衆賓序升即席

唐禮同

宋禮無

今擬自席末升位見儀注

僎入

儀禮賓若有僎者諸公大夫則既一人舉觶乃入主降階
賓介及衆賓皆降主迎于門內揖讓升公升如賓禮大

夫則如介禮席于賓東主獻薦脯醢設折俎皆如賓禮

唐禮無之

宋禮有饌而與儀禮不同

今擬特存此條以待致仕而有德行者

樂賓

儀禮工歌鹿鳴四牡皇皇者華卒歌笙入堂下磬南北
面立樂南陔白華華黍乃間歌魚麗笙由庚歌南有嘉
魚笙崇丘歌南山有臺笙由儀乃合樂周南關雎葛覃

卷耳召南鵲巢采繁采蘋

唐禮工歌鹿鳴卒歌笙入立于堂下北面奏南陔訖乃
間歌南有嘉魚笙崇丘乃合樂周南關雎召南鵲巢樂
無工人則闕毋得奏不雅之曲

宋禮無之

今擬省

司正揚觶

儀禮主降階作相為司正主升復席司正洗觶升自西

隋實解降自西階階間北面坐奠解退共少立坐取解
不祭遂飲執解興盥洗北面坐奠解于其所退立于解
南

唐禮同

宋禮贊者唱曰賓主以下皆執笏次引司正出位贊者
曰請司正揚解次引司正取解詣洗所洗畢至席前跪
而揚解訖贊者曰請司正致詞司正乃言曰古者於旅
也語於是道古云云訖司正復位賓主以下復位

今擬見儀注

旅酬

儀禮賓坐取俎西之觶

先一人舉觶奠于俎西

阼階上北面酬主

主降席立于賓東賓坐奠觶遂拜執觶興主答拜不祭立飲不洗賓解授主主西階上酬介如賓酬主之禮介酬衆賓拜興飲皆如上儀卒受者以觶降坐奠于篚

唐禮同

宋禮主獻賓之後即賓酬主主酬介介酬衆賓

今擬特省此條以從簡便

讀律

儀禮唐宋皆無之

今擬新增

無筭爵

儀禮衆賓皆降說屨揖讓如初升坐乃羞

注曰胸
蔽醢也

無筭

爵無筭樂

唐禮同正齒位無羞

宋禮賓主以下皆坐酒二行訖

今擬見儀注

賓出

儀禮賓出奏陔

注云陔陔夏也

主送于門外再拜

唐禮同

宋禮相者引主先興復至阼階楹下立

儒從

賓介復至

西階楹下立三賓亦復至西階並南向

教授復立東階南向司正復立

西階東向郡察復立兩衆賓堂下東西相向主再拜賓介以下皆

西階東向郡

衆

賓

堂下

東西

相向

主再

拜

欽定四庫全書

明集禮

再拜訖賓介與衆賓先自西趨出主少立自東出賓立
庠門外之右東向北上主立于門外之左西向
僕從皆
再拜逡巡而退

今擬見儀注

縣邑飲酒讀律儀注

立賓主介僕

每冬季行事縣令為主以鄉之老人年六十以上有德
行者一人為賓其次一人為介又其次為三賓又其次

為衆賓鄉人嘗為大夫士而致仕者或寄居之士大夫

年德可尊禮者一人為僎

如無則以縣丞主
薄為之無則闕

以衆所推

報者一人為司正贊禮一人及贊引者皆擇士之容貌

詳緩習禮儀者之

實主各
有贊引

讀律一人使能者

陳席設位次

席謂坐席位謂立位
次謂更衣服之所

設賓席于堂北兩楹之間少西南面

冠禮醺于客位今
世亦指此處為客

主席于阼階上西面

在東楹之
東少北

介席于西階上東面

在西楹之
西少北

饌席于賓東南面

謂兩楹之間少東世
俗謂此處為主位

三賓席

于賓西南面

與賓共為一列

皆專席不屬衆賓六十以上者席

于西序東面北上

堂東西牆謂之序

若賓多則又設席于西階

上北面東上僚佐席于東序西面北上

僚佐謂縣丞以下若丞為俱則

主簿典史皆北

設衆賓五十以下者位于堂下西階之西當序東面北

上若賓多則又設位于西階之南北面東上

凡立位皆設席而不

坐至無筭爵乃坐

司正及讀律者位于堂下阼階之南北面西

上

按儀禮司正位于兩階之間北面而脯醢薦于其位今薦脯醢皆設卓案與古異故改位于此

設主之贊者位于阼階之東西面北上

禮主之贊者西北上無算爵

然後與注曰贊者謂主之屬佐主嚴寓沃盥設薦俎者

設主及僚佐以下次于東廊實介及衆賓次于庠門之外僕次亦在門外

陳器

設酒尊于堂上東南隅加勺幕用葛巾爵洗于阼階下東南篚一于洗西實以爵解盥洗在爵洗東設卓案于

堂上下席位前

按儀禮徧有脯醢皆薦于其位則立者亦當有之但古者席地而坐故薦于地

上今
難從

陳豆于其上六十者三豆七十者四豆八十者五

豆九十者六豆堂下者二豆主人豆如賓之數

若九十
者為賓

六豆則主人亦六
豆其餘悉皆倣此

皆實以菹醢

賓興賢能
則用脯醢

設奠爵卓案

于東序端及西楹南各一

舍菜

若賓興賢能則前一日舍菜于先聖先師如常儀正齒

位則省

立班

其日贊明主及賓介以下各就次執事者省視器饌畢詣主次前告具乃命鼓人鳴鼓贊引導主及僚佐以下

出次

主及僚佐朝服餘深衣

主立于阼階下西面僚佐序立于主

之後皆西面上司正及讀律者北面西上贊禮進立于東階之西近堂廉賓之贊引導賓以下盛服出次序立于庠門外之右介居賓南三賓居介南衆賓居三賓之後皆東面北上

僕仍居次不出

迎賓

班定贊引唱主迎賓贊引進主之左曰請迎賓乃導主

出庠門外西面立

僚佐不出

贊引唱揖主揖賓以下皆揖贊

引唱肅賓主揖賓賓報揖贊引導主先入門左西面立
賓之贊引唱揖賓揖介介揖衆賓序行入門右皆東面
立如門外之序

序賓

主揖賓遂行當階再揖將及階又揖賓皆報揖皆贊引
唱之至階主阼階下西面即初位賓西階下東面介居

賓南三賓居介南衆賓居三賓南俱東面北上

獻賓

贊禮唱主以賓升贊引進主之左曰請延賓主與賓三讓主先升阼階賓升西階俱當楣下北面立贊禮唱獻賓贊引進于主之右曰請酌酒導主降自阼階詣盥洗位次詣爵洗位洗爵拭爵以爵授執事者升詣尊所執事者舉冪主執爵酌酒以爵授執事者並如釋奠儀至賓席前執爵者以爵授主主西北面獻賓贊引導賓自西階

趨就席末東南面受爵主揖送爵賓報揖卒爵以爵授

執事者

謂賓之執事者
蓋將酢于主也

主退立于阼階上北面賓退立

于西階上北面如初升

賓酢主

贊禮唱賓酢主贊引進賓之左曰請酌酒導賓降自西
階執爵者從詣盥洗位爵洗位升自西階詣尊所酌酒
並如前儀至主席前執爵者以爵授賓賓東南面酢主
贊引導主趨就席末西北面受爵賓揖送爵主報揖卒

爵賓退立于席末

賓之席也。酢事畢退立于席末。主將與介為禮也。

主乃以爵

奠于東序端卓上復阼階上北面立

主退復阼階而不就席末者將有事

也

獻介

贊禮唱主延介贊引進曰請延介導主降自阼階西南面揖介至階一讓主遂升介升西階並當楣下北面立贊禮唱主獻介贊引進曰請酌酒導主詣東序端取所奠爵授執事者詣尊所酌酒以爵授執事者如前至介

席前執爵者以爵授主主西南面獻介贊引導介自西階上趨就席末北面受爵主乃揖送爵介報揖卒爵以爵授主退立于席末

介之席也

主以爵奠于西楹南退阼階

上北面如初

將與三賓為禮也

獻三賓

贊禮唱主獻三賓贊引導主降阼階西南面三揖衆賓衆賓皆報一揖主升取西楹南所奠爵酌酒如前進西階上南面獻衆賓之長贊引導衆賓之長一人升西階

上北面受爵主揖送爵賓長報揖卒爵以爵授主賓長

就席立于席末

三賓之席也

次尊賓長之次者一人升受爵

如前又次一人亦如之主乃以爵授執事者少退西面立

獻衆賓

贊禮唱獻衆賓執事者酌酒授主主復進西階上南面獻衆賓衆賓六十以上者每一人升西階上受爵卒爵退就西序之席立于席末升者畢主以爵授執事者下

奠于篚堂下者不獻主退就席末坐

升位

贊禮唱衆賓皆升位主乃自席末先升席賓介以下皆自席末升席堂下者皆就位引僚佐升自東廡就席堂上者坐堂下者立

僎入

無僎則去此條升位後僎始入者儀禮注云不干主賓正禮也

贊禮唱僎入贊引導僎出次

僎朝服致仕者服深衣亦從便

入門左主

降自阼階迎于門內

賓介降自西階下三賓不降

主與僎揖讓升主

升作階僎升西階當楣北面立

實介皆升立西階東面北上

贊禮唱

主獻僎贊引進曰請酌酒導主降洗爵詣尊所酌酒如賓儀至僎席前東北面獻僎贊引導僎自西階上趨就席未東西南面受爵主揖送爵僎報揖卒爵以爵授主主以授執事者下奠于篚主及賓升各升席

揚觶

贊禮唱司正揚觶贊引導司正出位詣盥洗位盥手帨手次詣爵洗位取觶于篚洗觶拭觶升自西階詣尊所

酌酒進兩楹之間北面立贊者唱在坐者皆起賓主以下皆起拱立司正乃舉解而言曰恭惟朝廷率由舊章敦崇禮教舉行鄉飲非為飲食凡我長幼各相勸勗為臣竭忠為子竭孝內穆於閨門外順于鄉黨無或廢墜以忝所生言畢揖賓主以下皆揖司正遂飲卒爵復飲以爵授執事者降自西階復位賓主以下復坐

讀律

若賓與賢能不用此

贊禮唱讀律執事者設律案於堂上兩楹之間次引讀

律者出位詣盥洗所盥手悅手訖乃升自西階執律者以律從至案前北面立執律者以律置案上立于案旁西面在坐者皆起讀律者揖賓主以下皆揖復坐乃展律詳緩讀之畢在坐者又起讀律者揖賓主以下皆揖讀律者降自西階復位執律者以律從如初

無筭爵

贊禮唱爵行無筭於是堂下者皆坐執事者行酒酒三行或五行食三品或五品徧及主之贊者皆與

賓出

贊禮唱禮畢主興降自阼階賓以下降自西階僚佐降
自東廡堂上衆賓以序俱出至門外主門左西面僚佐
以下列主之後賓門右東面介居賓南三賓居介南衆
賓居後贊引唱揖賓主以下皆揖退

里社飲酒讀律儀

立賓位

里長為主以鄉之老人六十以上有德習禮者一人為

賓次一人為介又次為衆賓讀律一人使能者

陳設

設賓席于堂之西北南面設主席于東南西面介席于堂之西南東面衆賓六十以上者席于兩序東西相向六十以下者席于堂下亦東西相向五十以下者席于堂下亦東西相向各設卓案于席前豆用菹醢設讀律于東楹下西面

如教官講書之位

序賓

其日質明賓介及衆賓皆至門外主出迎東向揖賓賓

以下西向報揖主先入門而右賓入門而左

介與衆賓從

至

階主升西階上東面賓介于東階上西面衆賓六十以

上者皆自東階升分為兩班東西相向北上

居西者立主之後居

東者立賓介後

五十以下者立堂下亦分兩班東西相向北上

主與賓皆揖各就席坐執事者行酒酒一行止

讀律

執事者設卓案于東楹讀律席前次引讀律者正衣冠

升席展律于案詳緩讀之畢起立拱手坐者皆起立拱手讀律者揚言曰恭惟國家憲章先王明刑弼教期協于中爰用古禮為民讀律凡我長幼尚敬共夙夜毋干彝憲以忝祖父言訖飲律降席復位

位在堂下
衆賓之列

賓主復

坐酒三行止

賓出

主先興賓介以下皆興序立如初升堂下者亦如之賓主皆揖主送于門外揖退

設席陳器圖

明集禮卷二十九 二十六

司馬
司徒
司空
司馬
司徒
司空

西

東

像像像
佐佐佐

衆賓
衆賓
衆賓
衆賓
衆賓

介

主

序

卒解奠

東
序
尊



衆賓
衆賓
衆賓
衆賓
衆賓
此位者下以十五

盥
盥
盥
盥
盥

衆賓
衆賓
衆賓
衆賓
衆賓
若多則實
北于此位
東于此位
上

碑

盥
盥
盥
盥
盥
司正
司正
司正
司正
司正

門

序

序

真司

卷一

景王

像像佐佐

陳佐

31

15
25

卷五

正司
律讀

請律

同爵
同輩

15

門

衆賓
介賓

衆賓
介賓


介

三賓

贊引


迎賓圖

明集禮卷二十九二十八



主獻賓酢圖

明集禮卷二十九 二十九



主人獻衆賓圖

明集禮卷三十九 三十一

長行 長行 長行



賓衆

衆賓
早退
主本席

衆賓之長三人以次
北面受爵衆賓六人
以上者序升受爵亦
同飲畢各退主本席
之末

主者最尊
于西楹下

尊酒




主者最尊
于西楹下

賓長
賓長
賓長
衆皆答一揖
衆賓

主人迎僊獻僊圖

明集禮卷二十九 三十二



僕入門内

主者

17

司正揚觶圖

明集禮卷二十九 三十三

司正揚觶

衆賓

司正

衆賓

衆賓

介

司正揚觶

衆賓

尊酒

司正揚觶

司正揚觶

衆賓

司正揚觶

讀律圖

明集禮卷二十九 三十四

三才圖會

氣實

介



保

算佐

主考

卷之九

讀律者升降

讀律者出位

盥洗

欽定四庫全書

明集禮卷三十

賓禮一

蕃王朝貢

總序

先王脩文德以柔遠人而夷狄朝覲其來尚矣殷湯之時
氏羌遠夷來享來王太戊之時重譯來朝者七十六
國周武王克商大會諸侯及四夷作王會周禮秋官象

胥氏掌蠻夷閩貊戎狄之國使而諭說焉漢設典客及譯官令丞以領四夷朝貢又設典屬國及九譯令武帝元鼎六年夜郎入朝自後外夷朝貢不絕甘露元年呼韓邪單于來朝三年呼韓邪單于稽居獠來朝並見于甘泉宮河平元年四夷來朝領于大鴻臚四年匈奴單于朝正月引見于白虎殿元壽二年單于來朝舍之上林苑蒲萄宮順帝永和元年倭奴王來朝皆有宴饗賜予之制唐設主客郎中掌諸蕃來朝其接待之事有四

曰迎勞曰戒見曰蕃王奉見曰宴蕃國主其儀為詳貞
觀三年東謝酋長元深及突利可汗二國來朝十三年
吐谷渾主來朝十四年河源王諾曷鉢來朝二十一年
回紇來朝皆宴饗以樂之宋奉朝貢者四十餘國皆止
遣使入貢雖蕃王未嘗親入朝見而接見之禮見于禮
書者與唐畧同元太祖五年畏吾兒國王奕都護來朝
世祖至元元年勅高麗國王植令脩世見之禮六月植
來朝于上都其後蕃國來朝俟正旦聖節大朝會之日

而行禮焉今擬國朝蕃王來朝先遣應天府官迎勞既至館復遣省部設宴然後習儀朝見于奉天殿及見皇太子于東宮朝見畢錫宴以享之省府臺皆設席宴饗及還遣官勞送出境今具其儀作蕃王朝貢篇

迎勞

周制蕃主來朝至天子之境先謁關人關人報王王遣小行人迎勞于畿漢甘露三年呼韓邪單于款五原塞來朝漢遣車騎都尉韓昌迎發過所七郡郡二千騎為

陳道上唐蕃王來朝遣使以束帛出迎至次蕃王迎使者于館門外既入使者執幣稱有制蕃王北面再拜使者宣制訖蕃王進受幣又再拜使者既出蕃王復揖使者入以土物償使者再拜受蕃王亦再拜使者降出鴻臚迎引蕃王詣朝堂依方北面立所司奏聞舍人承勅出稱有勅蕃王再拜宣勞訖又再拜所司引就館宋遣使束帛出迎如唐之制而無償土物引詣朝堂之禮元蕃國王來朝館于會同館而不著迎勞之文國朝蕃王

來朝先遣應天知府迎勞于郊禮部官勞于會同館勞蕃

國使用
同知

冠服

周會四夷諸侯天子純無繁露朝服八十物摺斑純與冕同

繁露純所垂即旒也八十物大小所服斑笏也四夷相見則服其本服漢受四

夷朝貢不載所服冠服唐蕃王來朝皇帝服通天冠絳

紗袍蕃王服其國服宋與唐同元以國俗衣冠受朝蕃

王服國服以見國朝蕃王來朝皇帝服袞冕皇太子服

冕服百官具朝服侍立蕃王服其國服若嘗賜袞服者則以袞服朝見

陳設

周會四夷諸侯墀上設赤帟陰羽

陰地曰墀陰羽鶴羽也以羽飾帳也

堂

後東北為赤帟其西天子車立馬乘六青陰羽鳧旌

鳧

羽為旌也

陳幣當外臺天玄鴈宗馬十二

陳東幣被馬于外臺天玄黑鴈

宗尊也

玉玄繚壁綦十二參方玄繚壁豹虎皮十二四方

玄繚壁琰十二外臺之四隅每隅張赤帟

玄繚以黑組紐之綦玉名

參方陳幣三所壁
皮兼陳也珠圭也

秦漢無儀可考唐蕃主來朝尚舍奉

御整設御幄于太極殿北壁南向守宮設次太樂令展
宮懸設舉麾位于上下鼓吹令設十二案乘黃令陳車
輅尚輦奉御陳輿尚舍奉御鋪蕃主牀座于御座西南
東向設蕃主版位于懸南又設蕃國諸官之位于蕃主
之後設典儀位於懸之東北贊者二人在南差退俱西
面諸衛各勒所部列黃麾仗屯門及陳于殿庭宋殿中
監前期帥其屬尚舍張設垂拱大慶殿門之內設御榻

於大慶殿當中南向設東西房于御榻之左右稍北設東西閣于殿後之左右大晟府展宮架之樂于殿庭橫街之南設協律郎位于宮架西北俱東向設大司樂押樂位于宮架之前北向儀鸞司設文武百官等次于殿門之外又設蕃國王次于宣德門外之西蕃國諸官次于其後尚輦陳輿輦于龍墀繖扇于沙墀陳五輅于宮架之南列御馬于龍墀在輿輦之後尚書兵部帥其屬設黃麾仗于殿門之內外張旗幟典儀設文武百官位

于殿庭又設蕃王朝見位于宮架之北稍西北向蕃國
諸官在其後又設蕃王賜座位于御榻之東稍南設典
儀位于丹墀南稍東西向贊者三人在其後國朝陳設
見于朝見儀注圖本

儀仗

唐宴見蕃國王用供奉杖散手仗立于殿上又有黃麾
仗左右廂各十二部為十二行又有夾轂隊持鉞隊步
甲隊辟邪旗隊又有清游隊朱雀隊玄武隊諸衛挾門

隊長槍隊宋大慶殿蕃王朝會設黃麾大仗用五千二十五人如至正朝會之儀元因正旦聖節設朝儀而受蕃王朝見國朝引見蕃王則于奉天門外中道陳龍旗十二纛一豹尾一北斗旗一左右布旗六十四每旗用甲士午門內設五輅仗馬六用十二丹墀儀仗九十丹陛儀仗九十駕前儀仗二十四殿上擎執八

班位

周公朝諸侯于明堂位九夷之國東門之外西面北上

八蠻之國南門之外北面東上六戎之國西門之外東
面北上五狄之國北門之外南面東上漢蕃王來朝以
客禮待之位在諸侯王上晉南單于來朝處之王公特
進之下唐蕃王朝見拜位在樂懸之南賜座位在御座
西南東向蕃國諸官拜位在蕃王之後宋蕃王及蕃國
諸官拜位在大慶殿門南階下其賜座位在御座之東
西向百官班分列于丹墀之左右東西相向國朝蕃王
來朝擇日于奉天殿朝見其蕃王拜位在丹墀中道之

西蕃國諸官之班在其後百官序立于丹墀之東西其
詳見朝見儀注

執事

唐蕃王朝會其執事尚舍奉御一人太樂令一人鼓吹
令乘黃令尚輦奉御各一人典儀一人贊者二人協律
郎二人通事舍人二人奉中嚴外辦一人符寶郎一人
承制一人引蕃王謁者二人殿上引蕃王舍人二人引
蕃官舍人二人舍人承旨一人宋殿中監尚舍奉御各

一人太樂令一人協律郎二人大司樂二人儀鸞司設
文武官次二人尚輦一人乘黃令一人典儀二人贊者
二人東上閤門官二人內侍進班齊牌一人鳴鞭三人
捲簾二人雞唱一人報時一人贊常起居舍人一人符
寶郎一人奉寶郎一人奏中嚴外辨舍人一人承旨內
侍一人引殿外序班舍人二人引蕃王舍人二人引班
首通事舍人二人左輔宣制一人接引蕃王閤門官二
人引諸蕃官舍人二人宣制舍人一人國朝陳御座香

案內使一人設寶案尚寶司官一人導駕侍儀六人殿
前班指揮使三人侍從班光祿寺官三人侍儀奏中嚴
外辦一人執中嚴外辦牌一人宣制官一人展方物狀
官二人宣方物狀官一人受方物官一人通贊一人贊
禮一人知班二人典儀二人引蕃王舍人二人引蕃國
從官舍人二人引文官侍立班舍人二人引武官侍立
班舍人二人設牌位莞蓆舍人二人設方物案位一人
舉方物案若干人殿上擎執內使八人殿前拱衛指揮

官二人丹墀上宿衛鎮撫二人護衛千戶八人丹墀下
護衛千戶二十四人丹墀南五輅輦士四十人天武將
軍四人殿門左右將軍六人殿上將軍二人奉天門將
軍六人鳴鞭四人司晨一人雞唱一人殿前擎執十六
人丹墀東西擎執九十人丹陛東西擎執九十人典牧
所掌仗馬二人控仗馬十二人和聲郎二人協律郎二人
樂工六十四人奉天門外中道擎執十七人中道左右
擎執三百二十人控象十二人舉虎豹輦士二十四人

午門外軍士若干人

樂舞

漢倭奴王來朝帝作黃門鼓吹唐貞觀七年宴蠻夷酋
長于玄武門奏七德九功之舞十四年宴河源王諾曷
鉢于玄武門奏倡優百戲之樂二十一年回紇來朝帝
御天成殿陳十部樂自後蕃王來朝設宮懸奏太和舒
和之曲其宴會則舞文武二舞宋蕃國王來朝設宮架
之樂奏乾安正安之曲其宴會則舞天下化成四夷來

王之舞國朝朝見用大樂宴會間用細樂兼用舞隊

贄獻

周禮九州之外謂之蕃國世一見各以其所貴寶為贄

如越裳獻白雉白狼之類

漢天漢三年西國王獻靈膠吉光毛裘甘

露三年呼韓邪單于款五原塞奉國珍以朝自後單于
來朝皆以其所寶為贄唐貞觀十三年吐谷渾曷鉢入
朝獻馬牛羊萬大厯中真臘王婆彌來朝獻象十一元
爪哇蕃王來朝貢金表章金器等物及走獸鵜鵠

宴會

漢甘露三年宴單于稽侯罃置酒建章宮饗賜觀以珍
寶唐蕃王來朝宴饗于紫宸殿設蕃王座于御座西南
蕃國諸官應升殿者座于蕃王之後不升殿者座于西
廊下俱東面皇帝服通天冠絳紗袍蕃王服其國服入
奉贊獻訖就座酒三行樂五奏設庶羞每皇帝進酒蕃
王以下皆興進酒畢乃復座宋宴蕃國王于大慶殿設
蕃國王座于御座之東蕃國諸官分位于東西朵殿三

公三少左輔右弼及諸文官在御座之東親王使相節度觀察及諸武官在御座之西蕃王服本國服皇帝服通天冠絳紗袍即御座班首以下及蕃國王蕃國諸官入班首詣御榻前進爵俯伏跪奏稱賀訖再拜皇帝舉酒酒曰行樂五奏舞文武二舞每皇帝進酒食蕃國王及殿上羣官皆避位進酒食訖乃復就座國朝蕃王來朝賜宴于謹身殿設皇太子座于御座之東諸王座于皇太子之下東西相向設蕃王座于殿西第一行東向

設文武官座于第二第三行東西相向酒九行食五次
間作大樂細樂舞隊其蕃國從官座于西廡之下酒數
食品亦同但不作樂宴畢皇帝皇太子諸王還宮蕃王
及文武百官以次出其詳見宴會儀注

賜予

漢甘露三年單于來朝天子于甘泉宮賜以冠帶衣裳
黃金璽盤綬玉具劔佩刀弓一張矢四發棨戟十安車
一乘鞍勒一具馬十五匹黃金二十斤錢二十萬衣被

七十七襲錦繡綺綾雜帛八千匹絮六千斤明年呼韓
邪來朝禮賜如初加衣百十一襲錦帛九千匹絮八千
斤河平四年單于朝正月加賜繡繪帛二萬匹絮二萬
斤元壽二年單于烏孫大昆彌來朝加賜衣三百七十
襲錦帛二萬匹絮三萬斤元康元年龜茲王絳賓來朝
賜以車騎旗鼓歌吹數十人綺繡雜繪琦珍凡數千萬
唐貞觀二十三年于闐王來朝賜以金帶錦袍開元五
年突騎施可汗來朝賜錦袍鈿帶七事二十九年三護

真擅入朝賜以紫袍金帶今擬國朝賜予臨時取旨

迎勞儀注

蕃王至龍江驛驛令具

某

國蕃王姓名及蕃國從官名

數報應天府應天府官稟知中書省及禮部禮部奏聞
遣侍儀通贊舍人二人接伴遣應天知府至龍江驛禮
待前期館人于正廳陳設蕃王座于廳之西北東向設
應天知府座于廳之東南西向中設酒案及食案又設
蕃國從官及應天府從官座位于廳之耳房賓西主東

中設酒案及食案應天知府至館館人入告接伴舍人
引蕃王出迎蕃王從官後從既見接伴舍人引蕃王應
天知府分賓主而入蕃王升自西階應天府官升自東
階至廳蕃王東向立應天知府西向立接伴舍人唱鞠
躬拜興拜興平身蕃王及應天知府皆鞠躬拜興拜興
平身應天府官進詣蕃王前致禮待之意畢接伴舍人
引蕃王及應天知府各就座所引應天府從官詣蕃王
前唱鞠躬拜興拜興平身應天府從官皆鞠躬拜興拜

興平身蕃王答鞠躬拜興拜興平身舍人又引蕃王從
官詣應天知府前唱鞠躬拜興拜興平身蕃國從官皆
鞠躬拜興拜興平身應天知府答鞠躬拜興拜興平身
應天從官與蕃國從官俱詣耳房各再拜訖分賓主東
西相向坐執事者舉食案進供于蕃王及應天知府之
前耳房執事者各舉食案進供于各官之前廳上執事
者斟酒凡酒五行湯五品耳房亦酒五行湯三品宴畢
舍人引應天知府降自東階蕃王降自西階送至館門

外王入應天府官還從官皆以次出次日清晨應天府從官復伴送蕃王入至會同館禮部尚書奉旨即往館宴勞前期館人陳設蕃王及禮部尚書座次于正廳賓西主東中設酒案及食案及設蕃國從官及禮部從官座位于廳之耳房賓西主東中設酒案食案禮部尚書至館館人入告接伴舍人引蕃王服其國服出迎蕃國從官以次後從既見接伴舍人引蕃王禮部尚書及蕃國從官禮部從官分賓主而入蕃王升自西階禮部尚

書升自東階至廳蕃王東向立禮部尚書西向立蕃王
從官立於蕃王之南稍後東向禮部從官立于尚書之南
稍後西向接伴舍人唱鞠躬拜興拜興平身禮部尚書
與蕃王皆鞠躬拜興拜興平身禮部尚書進詣蕃王前致
禮待之意畢接伴舍人引蕃王禮部尚書詣座所引禮部
從官詣蕃王前唱鞠躬拜興拜興平身禮部從官皆鞠躬
拜興拜興平身蕃王答拜舍人又引蕃國從官詣尚書前
唱鞠躬拜興拜興平身蕃國從官皆鞠躬拜興拜興平身

尚書答拜禮部從官與蕃國從官俱詣耳房舍人引分唱
主唱鞠躬拜興拜興平身蕃國從官及禮部從官皆鞠躬
拜興拜興平身舍人引就東西相向坐執事者舉食案進
供于蕃王及禮部尚書之前耳房執事者各舉食案進供
于蕃國從官禮部從官之前廳上執事者斟酒凡酒五行
湯五品上湯擊鼓行酒作細樂耳房酒五行湯三品不設
樂宴畢舍人引禮部尚書降自東階蕃王降自西階出
館門外蕃王乘馬行于道右禮部尚書亦乘馬行于道

左蕃國從官及禮部從官各乘馬于後同至會同館門
外下馬舍人引蕃王禮部尚書同入蕃王升自西階禮
部尚書升自東階至館次禮部尚書及從官出蕃王及
蕃國從官送至館門外對舉手揖蕃王入尚書及從官
還明日都堂又奏知命省臣一員詣會同館宴勞其陳
設座次酒數食品樂器皆如禮部尚書宴勞之儀

朝見儀注

前期禮部告示侍儀司諸執事引蕃王及蕃國從官具

服于天界寺習儀三日擇日朝見前一日內使監陳御座香案于奉天殿如常儀尚寶司設寶案于御座前侍儀司設蕃王次及從官次于午門外設蕃王拜位于丹墀中道稍西及御座之南俱北向設蕃國從官拜位于蕃王後中道之東西依序重行北向設方物案位于丹墀之北中道之東西設方物案于御前及丹墀之中設受方物官位于方物案之東西設文官侍立位于文樓之北西向北上武官侍立位于武樓之北東向北上殿

前班指揮司官三員于丹陛上東向光祿司官三員位
于丹陛上西向侍從班起居注殿中侍御史尚寶卿位
于殿上西向指揮司懸刀武官位于殿上東向拱衛司
官位于奉天殿門之左右東西相向典牧所官位于仗
馬之前東西相向宿衛鎮撫位于丹陛階下東西相向
宿衛百戶二十四員于宿衛鎮撫之南稍後東西相向
護衛千戶八員于殿東西門之左右東西相向知班二
人位于蕃王拜位之北東西相向贊禮二人位于知班

之北東西相向典儀二人位于丹陛上之南東西相向
內贊二人位于殿上東西相向引蕃王舍人位于蕃王
之北東西相向引蕃王從官舍人位于從官之北東西
相向引文武班舍人位于文武班之北稍後東西相向
舉方物執事位于方物案之東西鳴鞭四人位于丹陛
上之南北向天武將軍四人位于丹陛上之四隅東西
相向將軍二人位于殿上簾前東西相向將軍六人位
于奉天殿門之左右東西相向將軍六人位于奉天門

之左右東西相向是日金吾衛陳設甲士于午門外之東
西列旗仗于奉天門外之東西拱衛司陳儀仗于丹陛
上及丹墀之東西陳五輅于丹墀之南典牧所陳仗馬
于文武樓之南東西相向陳虎豹于奉天門外和聲郎
陳樂于丹墀蕃王拜位之南擊鼓初嚴禮部以方物案
陳于午門外舉案者就案催班舍人催文武官各朝服
擊鼓次嚴引班引文武百官依品從齊班于午門外以
北為上東西相向殿前班指揮光祿卿通班贊禮典儀

內贊宿衛鎮撫護衛鳴鞭殿內外將軍各執事人俱入就位接伴舍人及引班引蕃王及蕃國從官立于午門方物案之前諸侍衛官各服其器服及尚寶卿侍從官入詣謹身殿奉迎擊鼓三嚴引班引文武官入就侍立位引班舍人引執事舉方物案前行引蕃王及從官由午門西入金水西橋奉天西掖門至丹墀之西俟立侍儀版奏外辦御用監官跪奏皇帝服通天冠絳紗袍御輿以出尚寶卿捧寶及侍儀侍衛導從警蹕如常儀皇

帝將出仗動

大樂鼓
次振作

陞御座

樂止

將軍捲簾尚寶以寶

置于案鳴鞭司辰郎報時雞唱訖引禮引蕃王就位執

事者舉案及蕃王從官各就位立定舉案執事者退就

位贊禮唱鞠躬拜興拜興拜興平身蕃王及從官

鞠躬

樂作

拜興拜興拜興拜興平身

樂止

引禮導蕃王

升殿行禮宣方物狀官取方物狀與展方物狀官從行

俱西陞陞

樂作

從西門入引禮立向于門外贊接引

蕃王至御座前行禮位

樂止

宣方物狀官以方物狀置

于案與展方物狀官退立于殿西內贊唱鞠躬拜興拜
興平身蕃王鞠躬拜興拜興平身內贊唱跪蕃王跪蕃
王稱茲遇欽詣皇帝陛下訖宣方物狀官詣案取狀跪
于御座前之西展方物狀官同跪展宣訖俯伏興于西
承制官前跪承制興詣蕃王前宣制

云云

訖內贊唱俯

伏興拜興拜興平身蕃王俯伏興拜興拜興平身內贊
引蕃王及宣方物狀官展方物狀官由西門出

樂作

降

自西陞引禮引復位

樂止

贊禮唱鞠躬拜興拜興拜興

拜興平身蕃王及從官皆鞠躬

樂作

拜興拜興拜興拜

興平身

樂止

贊禮唱禮畢侍儀奏禮畢鳴鞭皇帝興

樂

作警蹕侍從導引至謹身殿

樂止

引禮導蕃王及從官

出受方物官受方物舉案執事各舉案出引班引文武百官以次出

見東宮儀注

前一日禮部官以蕃王所獻東宮方物啓知前期內使監于東宮陳設皇太子位于正殿侍儀司設蕃王幄次

及從官次于東門之外設蕃王拜位于殿門外及殿中
北向設蕃國從官拜位于殿下中道之東西北向設文
官侍從班位于殿庭之東武官侍從班位于殿庭之西
俱相向贊禮二人位于殿門外東西相向內贊二人位
于殿內承傳二人位于殿下俱東西相向引蕃王舍人
二人位于蕃王拜位之北東西相向引蕃國從官舍人
二人位于從官拜位之北東西相向引文武侍從班舍
人四人位于文武班之北稍後東西相向是日宿衛陳

甲士兵仗于東宮外門外陳旗幟于中門外將軍六人
于殿門外之東西拱衛司陳設儀仗于殿下之東西及
殿前殿門之東西內使掌執于殿上之左右和聲郎陳
樂于殿庭之南贊明執事者各就位蕃王服本國服朝
賀皇帝訖常服至東宮門外引班引文武官公服入就
侍從位內使監令啓知皇太子皮弁服引進導引出宮
樂作

陸座

樂止

引班引蕃王入

樂作

引班引蕃國從官

立候于殿下之西東向引進啓皇太子興立于座前贊

禮唱鞠躬拜興拜興平身蕃王鞠躬

樂作

拜興拜興平

身

樂止

皇太子立受引禮引蕃王至殿西門內贊接引

至皇太子座前內贊唱跪蕃王跪稱茲遇詣皇太子殿

下訖內贊唱俯伏興平身蕃王俯伏興平身內贊引蕃

王出殿門引禮引蕃王復位贊禮唱鞠躬拜興拜興平

身蕃王鞠躬

樂作

拜興拜興平身內贊唱鞠躬拜興拜

興平身皇太子答拜鞠躬拜興拜興平身

樂止

引禮引

蕃王出引進啓皇太子就座引禮引蕃國從官就位贊

禮唱鞠躬拜興拜興拜興拜興平身蕃國從官皆鞠躬

樂作

拜興拜興拜興拜興平身

樂止

贊禮唱禮畢引禮

引蕃國從官出引進啟禮畢皇太子興

樂作

出殿門

樂止

引禮引文武官以次出

見諸王儀注

前期王府官設蕃王及從官次于府門外設王座于正殿東稍北西向設蕃王座于正殿西稍南東向設蕃王拜位于殿上稍南東向設王答拜位于殿上稍北西向

設蕃國從官拜位于殿門外北向設內贊二人位于殿上之東西承傳二人位于殿門外之東西設接伴舍人位于內贊之南東西相向設引從官二人位于從官拜位之北東西相向設王府官侍立位于殿上之左右東西相向是日所司陳設儀仗于殿門外之東西接伴舍人引蕃王及從官至王府門外執事者先入就位王府官啟王服皮弁服出升殿就座接伴舍人引蕃王入至殿下由西階升王府官啟王興降座出迎于殿門外既

見王府官引王由中門入接伴舍人引蕃王由西門入
各就拜位內贊唱鞠躬拜興拜興平身蕃王鞠躬拜興
拜興平身王答拜鞠躬拜興拜興平身王府官啓王就
座接伴舍人亦引蕃王就座引班引蕃國從官至殿門
外拜位北向立承傳唱鞠躬拜興拜興拜興拜興平身
蕃國從官皆鞠躬拜興拜興拜興拜興平身承傳唱禮
畢接引舍人引蕃王興詣王座前王府官啓王降座立
舉手揖畢王還府接伴舍人引蕃王出王府官送至門

外蕃國從官後從至館

見宰輔以下儀注

蕃王見諸王訖接伴舍人引蕃王詣中書省見丞相前期禮部官于中書省後堂設蕃王座于省堂之西東向設省官座于省堂之東西向接伴舍人引蕃王至省門外先遣入報省官出迎于省門之外接伴舍人贊禮引蕃王及丞相俱入蕃王升自西階省官升自東階至正堂蕃王東向立省官西向立贊禮唱鞠躬拜興拜興平

身蕃王及省官皆鞠躬拜興拜興平身蕃王詣省官前致謁見之意畢引蕃王省官入後堂就座贊引引蕃國從官至省堂前楹北向立贊禮唱鞠躬拜興拜興平身蕃國從官皆鞠躬拜興拜興平身贊禮引蕃國從官立于蕃王之後禮部官供茶飲畢接伴舍人及贊禮引蕃王出蕃王降自西階省官降自東階送至省門外各舉手揖蕃王上馬省官還其見三公大都督御史大夫其儀皆與上同凡京官五品以上與蕃王相見皆蕃王在

西京官在東行再拜禮六品以下蕃王在北京官在南
行再拜禮蕃王皆答拜其蕃國從官與京官相見之儀
具蕃使來貢篇

宴會儀注

擇日錫宴蕃王于謹身殿拱衛司于殿庭左右設黃麾
仗內使擎執奉天殿受朝之儀內使監陳設御座于殿
中設皇太子座于御座東偏西向稍南設諸王座以次
而南皆西向又于御座西偏設諸王座與東偏諸王相

對以次而南皆東向設蕃王座于殿中之西第一行東向次設文武一品陪宴座于第二行東西相向二品陪宴于第三行東西相向于西廡設蕃國從官座及文武官三品陪宴官依序坐以北為上俱東向和聲郎于殿之南楹陳大樂細樂及歌舞隊光祿寺設御酒尊于殿中之南設皇太子諸王蕃王文武一品二品官酒尊于殿左右門之東西御位司壺二人尚酒尚食二人東偏皇太子諸王司壺一人奉酒奉食二人西偏諸王司壺

一人奉酒奉食二人蕃王司壺一人奉酒食一人文武
官第一行各司壺四人兼供酒食文武官左右第二行
各司壺四人兼供酒食光祿寺直長西廡各置酒尊及
設司壺供酒食之人光祿寺卿陳御食案及皇太子諸
王食案及寺丞設蕃王食案于殿中直長設殿上左右
文武官食案各置于座前西廡蕃國從官文武官食案
亦各設于座前諸執事各供事舍人引文武百官常服
侍立于殿門之左右舍人引蕃王服其國服侍立于百官

之北引進引皇太子諸王常服侍立于殿內之左右侍

儀導引皇帝常服陞御座

大樂鼓吹振作

鳴鞭

樂止

皇太子諸

王各就座位禮部官取旨導蕃王入就座位丞相率禮

部尚書光祿卿舉御食案進于御前禮部侍郎光祿少

卿舉食案各進于皇太子諸王之前禮部郎中光祿寺

丞舉食案進于蕃國王前殿上文武官及西廡蕃國從

官文武以次官各就座位內使監令于御前斟酒司壺

于皇太子諸王蕃王及文武官各斟酒

細樂作

奏太清之

曲和聲郎北面立舉手唱上酒皇帝舉第一爵飲皇太

子及蕃王以下皆飲畢

樂止

內使監令又于御前斟酒

司壺于皇太子諸王蕃王文武官前各斟酒

細樂作

奏感

皇恩之曲和聲郎唱上酒皇帝舉第二爵飲皇太子及

蕃王以下皆飲畢

樂止

內使監令于御前進食供食者

于皇太子諸王蕃王文武官前各供食

大樂作

和聲郎唱

上食皇帝進食皇太子及蕃王以下食畢

樂止

內使監

令于御前斟酒司壺各斟酒

細樂作

奏賀聖朝之曲和聲

郎唱上酒皇帝舉第三爵飲皇太子及蕃王以下皆飲

畢

樂止

進食奏大樂如前內使監於御前斟酒司壺各

斟酒

細樂作

奏普天樂曲和聲郎唱上酒皇帝舉第四爵

飲皇太子及蕃王以下皆飲畢

樂止

進食奏大樂如前

內使監令于御前斟酒司壺各斟酒

細樂作

舞諸國來朝

之舞和聲郎唱上酒皇帝舉第五爵飲皇太子及蕃王

以下皆飲畢

樂止

進食奏大樂如前內使監令復斟酒

司壺各斟酒

細樂作

奏朝天子之曲和聲郎唱上酒皇帝

舉第六爵飲皇太子及蕃王以下皆飲畢

樂止

內使監

令又斟酒司壺各斟酒

細樂作

奏醉太平之曲舞長生隊

之舞和聲郎唱上酒皇帝舉第七爵飲皇太子及蕃王

以下皆飲畢

樂舞止

進食奏大樂如前其西廡斟酒進食

其次如殿上但不作樂宴畢皇帝興

樂作

皇太子諸王

侍從還宮

樂止

引禮引蕃王出引禮引文武百官以次

出蕃王還館

東宮賜宴儀注

皇帝賜蕃王宴畢東宮擇日宴蕃王是日宿衛陳甲士
兵仗于東宮門外陳旗幟于中門外將軍六人于殿門
外之東西拱衛司陳設儀仗于殿下之東西及殿前殿
門之東西內使監設皇太子座于殿上正中設諸王座
于皇太子座東偏以次而南皆西向又設諸王座于皇
太子座西偏與東偏諸王相對皆東向又設蕃王座于
西偏諸王之下東向次設三師賓客諭德位于殿上第
二行東西相向于西廡下設蕃國從官及宮官以序座

北上東向和聲郎于殿之南樞陳大樂細樂及舞隊光祿寺官設皇太子酒尊于殿中之南設諸王蕃王三師等官酒尊于殿門之左右皇太子司壺二人尚酒尚食二人東偏諸王司壺一人奉酒食二人西偏諸王司壺一人奉酒食二人蕃王司壺一人奉酒食一人三師等官左右司壺各四人兼供酒供食光祿直長于西廡置酒尊食案及司壺供酒食之人光祿寺官于殿上陳皇太子食案及諸王蕃王食案直長于殿上三師座前預設酒

案西廡蕃國從官及宮官食案亦各設于座前諸執事
各供事舍人引三師等官服常服侍立于殿門之左右
舍人引蕃王服其國服立于三師之北引進引諸王常
服侍立于殿內之左右引進導引皇太子常服出

樂作

陞座

樂止

諸王各就位坐禮部侍郎啓知引蕃王入就

座禮部侍郎光祿少卿舉食案進于皇太子之前禮部
郎中光祿寺丞舉食案各進于諸王及蕃王之前三師
等官各就座蕃國從官及宮官各就西廡坐內使監官

于皇太子前斟酒司壺于諸王蕃王及三師等官前各

斟酒

大樂作

樂工北面舉手唱上酒皇太子舉第一盞諸

王蕃王及三師等官各上酒飲畢

樂止

內使監又于皇

太子前斟酒司壺于諸王蕃王及三師等官前斟酒

細樂

作

樂工唱上酒皇太子舉第二盞諸王蕃王及三師等

官皆上酒飲畢

樂止

內使監于皇太子前進食供食者

于諸王蕃王及三師等官前各供食

大樂作

樂工唱上食

皇太子進食諸王蕃王及三師等官各進食食畢

樂止

內使監及執事者各斟第三盞至第七盞酒及供食樂作樂止並如上儀惟酒第五行第七行雜行諸隊舞凡酒七行食五品西廡蕃國從官及宮官皆酒七行食五品唯不作樂宴畢引進啟禮畢皇太子興樂作諸王從還宮樂止引禮引蕃王及從官出三師宮官以次出蕃王還館

省府臺宴會儀注

東宮宴蕃王畢中書省取旨宴勞前期有司于中書省

後堂陳蕃王及省官坐次賓西主東設酒案于省堂正中
食案列于酒案之前又設諸蕃官及左右司官座次
于左司賓西主東設酒案于左司正中食案列于酒案
之前教坊司陳樂于省堂及左司之南楹都堂遣官詣
會同館請蕃王赴宴至省門下馬省官出迎于省門之
外執事者引蕃王及省官俱入左右司等官與蕃國從
官各從其後蕃王升自西階省官升自東階至席前省
官主宴者詣蕃王前致禮待之意畢各就座左右司官

與蕃國從官至左司左司郎中詣從官前致禮待之意畢

各就座禮部官二人舉食案進供于蕃王及省官之前執

事者斟酒

細樂作

飲畢

樂止

執事者再斟酒樂作樂止如

初飲畢執事者進食

大樂作

食畢

樂止

酒七行食五品行

酒奏

細樂

進食奏

大樂

惟第五第七行雜陳諸戲左

司酒七行食五品行酒作細樂進食作大樂不陳雜戲

宴畢執事者引蕃王降自西階省官降自東階送蕃王

至省門外蕃國從官從其後遣官一員送蕃王至會同

錦都督府禮待儀同前但各衛官屬戎服盛陳兵仗于門
內外之東西蕃國從官受宴于經歷司御史臺禮待儀
亦同前但不陳兵衛蕃國從官亦受宴于經歷司

陞辭儀注

蕃王將還國禮部官奏知戒蕃王某日陞辭仍于天界
寺習儀訖前期内使監設御座香案于奉天殿如常儀
尚寶司設寶案于御座前侍儀司設蕃王拜位于丹墀
中道稍西及殿上御座前俱北向設蕃國從官拜位于

蕃王後中道之東西依序重行北向設承制官位于殿上之東西向設文官侍立位于文樓之北西向北上武官侍立位于武樓之北東向北上殿前班指揮司官三員位于丹陛上東向光祿司官三員位于丹陛上西向侍從班起居注殿中侍御史尚寶卿位于殿上西向指揮司懸刀武官位于殿上東向拱衛司官位于奉天殿門之左右東西相向典牧所官位于仗馬之前東西相向宿衛鎮撫位于丹陛東西階下東西相向護衛百戶

二十四員于宿衛鎮撫之南稍後東西相向護衛千戶
八員位于殿東西門之左右東西相向知班二人位于
蕃王拜位之北東西相向贊禮二人位于知班位之北
東西相向典儀二人位于丹陛上之南東西相向內贊
二人位于殿上東西相向引蕃王舍人位于蕃王之北
東西相向引蕃王從官舍人位于從官之北東西相向
引文武班舍人位于文武班之北稍後東西相向鳴鞭
四人位于丹陛上之南北向天武將軍四人位于丹陛

上之四隅東西相向將軍二人于殿上簾前東西相向
將軍六人于奉天殿門之左右東西相向將軍六人于
奉天門之左右東西相向是日金吾衛陳設甲士于午
門外之東西列旗仗于奉天門外之東西拱衛司陳儀
仗于丹陛上及丹墀之東西陳五輅于丹陛之南典牧
所陳仗馬于文武樓之南東西相向陳虎豹于奉天門
外和聲郎陳樂于丹墀蕃王拜位之南擊鼓初嚴催班
舍人催文武官各具朝服擊鼓次嚴引班引文武百官

依品從齊班于午門外以北為上東西相向殿前班指揮光祿卿通班贊禮典儀內贊宿衛鎮撫護衛鳴鞭殿內外將軍各執事人俱入就位接伴舍人及引班引蕃王及蕃國從官立于午門外諸侍衛官各服其器服及尚寶卿侍從官入詣謹身殿奉迎擊鼓三嚴引班引文武官入就侍立位引班舍人引蕃王及從官由午門西入金水西橋奉天西掖門至丹墀之西俟立侍儀版奏外辦御用監官跪奏皇帝服通天冠絳紗袍御輿以出

尚寶卿捧寶及侍儀侍衛導從如常儀皇帝將出仗動

大樂鼓吹振作

陞御座

樂止

將軍捲簾尚寶以寶置于案鳴鞭

報時雞唱訖引班引蕃王及從官各就拜位贊禮唱鞠

躬拜興拜興拜興拜興平身蕃王及從官鞠躬

樂作

拜

興拜興拜興拜興平身

樂止

引班引蕃王由西階陞

樂

作

西門入引班立向于門外內贊接引蕃王至御座前

立定

樂止

內贊唱鞠躬拜興拜興平身蕃王鞠躬

樂作

拜興拜興平身

樂止

內贊唱跪蕃王跪承制官前跪承

制詣蕃王前宣制

云云

訖

或有賜物就宣

內贊唱俯伏興鞠躬

拜興拜興平身蕃王鞠躬

樂作

拜興拜興平身內贊引

蕃王自西門出

樂作

引班引復位

樂止

贊禮唱鞠躬拜

興拜興拜興拜興平身蕃王蕃國從官皆鞠躬

樂作

拜

興拜興拜興拜興平身

樂止

贊禮唱禮畢侍儀奏禮畢

皇帝興

樂作

警蹕侍從導引至謹身殿

樂止

引班引蕃

王及蕃國從官出引文武官以次出

辭東宮儀注

蕃王詣闕陛辭訖次辭東宮前期內使監設皇太子位
于東宮正殿侍儀司設蕃王拜位于殿門外設蕃國從
官拜位于殿下中道之東西北向文武侍從班于殿庭
之東西俱相向贊禮二人位于蕃王拜位之北東西相
向承傳二人位于殿下東西相向引蕃王舍人二人位
于蕃王拜位之北東西相向引蕃國從官二人位于從
官拜位之北東西相向引文武侍從班四人位于文武
班之北稍後東西相向是日宿衛陳甲士兵仗于東宮

門外陳旗幟于中門外將軍六人于殿門外之東西拱衛司陳設儀仗于殿下之東西及殿前殿門之東西樂工設樂于殿庭之南執事者各入就位引班引文武官常服侍從于殿下之東西引班引蕃王服國服至東宮

門外立位內使監令啟知皇太子常服出宮仗動

樂作

陞座樂止引禮二人引蕃王及從官就位初行

樂作

就

位樂止引進啟皇太子立于座前贊禮唱鞠躬拜興拜

興拜興拜興平身蕃王鞠躬樂作拜興拜興拜興

平身

樂止

皇太子受前二拜答後二拜皇太子答拜時

內贊唱如儀引禮引蕃王出就次引進啟皇太子就座

引禮引蕃國從官入就位贊禮唱鞠躬拜興拜興拜興

拜興平身從官鞠躬

樂作

拜興拜興拜興拜興平身

樂

止

贊禮唱禮畢引禮引蕃國從官出引進啟禮畢皇太

子興

樂作

侍從導引還宮

樂止

引禮引文武侍從官以

次出

勞送出境

蕃王辭東宮畢中書省官率禮部官送出國門外至龍江驛省臣還禮部官設宴如初至之儀宴畢禮部官還應天府官送起行

蕃國正旦冬至聖壽率衆官望闕行禮儀注

是日執事者陳設闕庭于王宮正殿南向香燭案于闕庭之前王拜位于殿庭中北向及褥位于香案前衆官拜位于蕃王之南每等異位重行北向司禮司贊位于衆官拜位之北司禮在西司贊在東俱相向司香二人

位于香案前東西相向是日執事陳甲士軍仗旗幟于

王宮門之外樂工陳樂于拜位之南引班引衆官朝服

入齊班于王宮門外之東西司禮司贊司香俱入就位

引禮啟請王于後殿具冕服

未賜者服本國之服

引衆官入立殿

庭東西引禮導王出

樂作

王由西階陞詣拜位

樂止

引

禮立于拜位之左右引禮引衆官入就拜位司贊唱鞠

躬拜興拜興拜興拜興平身王與衆官皆鞠躬

樂作

拜

興拜興拜興拜興平身

樂止

引禮導王由東門入

樂作

至闕庭香案前拜位

樂止

引禮立于拜位之左右引禮

贊跪司贊唱跪王與衆官皆跪引禮贊上香上香三上

香司香以香跪進于王之左王三上香畢引禮贊俯伏

興平身司贊唱俯伏興平身王與衆官皆俯伏興平身

引禮導王由西門出

樂作

復位

樂止

司贊唱鞠躬拜興

拜興拜興拜興平身王與衆官皆鞠躬

樂作

拜興拜興

拜興拜興平身

樂止

司贊唱揖笏鞠躬三舞蹈跪三

拱手加額山呼

萬歲

山呼

萬歲

再山呼

萬萬歲

出笏俯伏

興平身王與衆官搢笏鞠躬三舞蹈跪三拱手加額山

呼萬歲

山呼

萬歲

再山呼

萬歲

出笏俯伏興平身司贊

唱鞠躬拜興拜興拜興拜興平身王與衆官皆鞠躬

樂

作

拜興拜興拜興拜興平身

樂止

司贊唱禮畢引禮啟

禮畢引王出引班引衆官以次出

蕃國進賀表箋儀注

前期所司于王宮殿之内外及國城內街巷結綵設闕
庭于殿上正中設表箋案于闕庭之前設香案于表箋

案之前司香二人位于香案之左右蕃王拜位于殿庭正中北向蕃國衆官拜位于王之南異位重行北向設司禮二人位于拜位之北東西相向引禮二人位于王之左右引班四人于衆官之左右設使者立位于香案之東捧表箋執事二人位于香案之西設樂于衆官拜位之後設龍亭于殿庭之南正中及儀仗鼓樂向候迎送是日侵晨司印者陳印案于殿中滌印訖以表箋及印俱置于案上王具冕服及衆官各具朝服詣印案前

司印者用印訖用黃袂裹表紅袂裹箋各置于匣中外
仍以黃紅袂重裹之捧表箋官捧置于案使者及捧表
箋官各就位引禮引王入就拜位引班引衆官各就
拜位司贊唱鞠躬拜興拜興平身蕃王與衆官皆鞠躬

樂作

拜興拜興平身

樂止

引禮引王詣香案前引禮贊

跪司贊唱衆官皆跪王與衆官皆跪引禮贊上香上香
三上香司香捧香跪進于王之左王上香訖引禮唱進
表捧表官詣案取表東向跪進于王王受表以進于使

者使者西向跪受箋興復置于案引禮唱俯伏興平身
司贊唱俯伏興平身王與衆官皆俯伏興平身引禮引
王復位司贊唱鞠躬拜興拜興平身王與衆官皆鞠躬

樂作

拜興拜興平身

樂止

司贊唱禮畢引禮引王退立

于西引班引衆官立于左右使者各捧表箋前行王與
衆官後送至龍亭前使者以表箋置于龍亭中金鼓儀
仗鼓樂前導使者與王及衆官送至宮門外王還宮釋
服衆官仍具朝服送至國門外使者捧表箋以行

蕃王朝見之圖

午門外

明集禮卷三十
三十九

甲士軍仗

甲士軍仗

奉天門外

旗仗

將軍

副將

將軍

軍將

副將

軍將

仗旗

豹 虎 象 象

豹 虎 象 象

三

門

門

門

舉方物執事位

宣方物狀官

物方

物方
樂

物方

司物方

位事執物方舉

贊禮
知班

引禮
引班

舉升位

從官升位

從官升位

引禮
引班

贊禮
知班

典牧官
仗馬
仗馬
仗馬

華轎

金轎

玉轎

象轎

木轎

典牧官
仗馬
仗馬
仗馬

班立侍品一至九品文官

護衛 護衛 護衛 護衛 護衛 護衛 護衛 護衛 護衛 護衛

撫鎮衛宿

同

撫鎮衛宿

護衛 護衛 護衛 護衛 護衛 護衛 護衛 護衛 護衛 護衛

班立侍品九至品一官武

丹陛上版位

明集禮卷三十四十二

樂工

典儀

典儀

樂工

天武將軍

天武將軍

鳴鞭

鳴鞭

鳴鞭

鳴鞭

樂工典儀

樂工典儀

天武將軍

護衛

護衛

護衛

護衛

將軍

將軍

將軍

將軍

將軍

將軍

將軍司官

將軍司官

天武將軍

護衛

護衛

護衛

護衛

殿上版位

明集禮卷三十四十三

將軍

將軍

內贊

內贊

承制官位

諸王升位

賓

東面

起居注給事中侍儀尚賓侍從班

內使侍立位

御座

位立侍使內

班從侍刀懸官武下以揮指

舊王見東宮圖 東宮門外

明集禮卷三十四

甲士兵仗

洗兵士甲

中門外

旗仗

伏旗

官從國蕃

官從國蕃

引班
承傳

引班
承傳

文官侍立

正侍官武

引班
引班

引班
引班

校尉掌執

執掌尉校

殿門外

明集禮卷三十四十五

贊禮
引禮

卷王升位

贊禮
引禮

執掌尉校

執掌尉校

將軍

軍將

將軍

軍將

將軍

軍將

殿上

門

門

門

內贊

卷王升位

贊禮

皇太子座

卷王升位

卷王升位

蕃王見諸王圖 殿門外

明集禮卷三十 四十六

蕃王
引班

蕃王
引班

引班

引班

承傳

承傳

執事尉校

執事尉校

內贊

內贊

接伴舍人

接伴舍人

王府官侍立位

王府官侍立位

內贊

內贊

執事使內


諸王拜位

諸王拜位

蕃王與宰輔相見圖

明集禮卷三十四十七

宰輔由此入
蕃王由此入



謹身殿錫宴圖

